






Khayanga le nkgo ya gagwe

-  Ursula Nafula
-  Catherine Groenewald
-  Motlhago Sara Mohale
-  Sepedi
-  Level 4

(imageless edition)





Khayanga o be a dula ka lethabo le batswadi ba gagwe. Bona ba ile ba hlokofala ge Khayanga a nale mengwaga ye lesome.




Khayanga o ile a ya go dula le koko Rosa. Koko Rosa e be ele motho wa go loka, wa lerato, efela o be a tšofetše kudu ebile a hloko sa gagwe.



Khayanga o be a fela a etela mabitleng a batswadi ba gagwe. Ge a le fao, o be a ba botša ka tshotlego yeo a phelago go yona.



Ka tšatši le lengwe o rile a le gona fao mabitleng, a amogela mpho. E be ele nkgo ye botsana yeo e tšweletšego gona mabitleng ao a batswadi ba gagwe.



Nkgo ya thoma go opela košana ye botsana yao kgothatša. Khayanga o ile a lemoga gore lentšu leo a le kwago, ke la mohu mmagwe. Košana e be ere; Khayanga, ee, Khayanga! Ngwana wa rena a morategi! Ga wa lahlega morategi! Tšea nkgo ye, morategi! Oe rwale gohle mo o yago, morategi! E tla go homotša, morategi!



Khayanga o be a robala le nkgo gape a e rwala gohle mo a yago. Ka go dira bjalo, o ile a kwa lerato le tšhireletšo ya batswadi ba gagwe.



Ka tšatši le lengwe, gwa direga masetlapelo. Nkgo e ile ya thubega ge Khayanga a ile go kga meetse kua nokeng. Pelo ya gagwe e ile ya kwa bohloko kudu.



Khayanga o ile a rwala dikgapetlana tšeo tša nkgo ka matsogwaneng gomme a thoma go opela: Mme le Tate, Lea bona nkgo e thubegile. Nkgo yeo le mphilego. Naa ke dire eng, Mme le Tate? Nthušeng le mpontšheng seka hle. Gore le sa nale nna.



Khayanga o ile a kwa lentšu la mmagwe le re,
“Ngwanaka, topa dikgapetla tšeo di šetšego. Ekga
meetse ka tšona gomme o hlape maoto.” “Ge o
feditše go hlapa, o tswalele mahlo.” Khayanga o ile
a dira bjalo gomme ka pelapela, nkgo yela ya boela
ya loka gape.



Khayanga o ile a phela a rwele nkgo gape gohle mo a yaga. Mo a fetago, batho ba botšišana bare, “Naa ke nkgo ye bjang ye?” Ka thušo ya nkgo yeo, Khayanga o ile a hwetša tšohle tšeo a di hlokago.



Ka nkggo yeo, Khayanga o be a tseba gore batswadi ba gagwe ba nale yena gohle mo a lego. Ga go se sempe seo se ka diragalago.



Storybooks South Africa

global-asp.github.io/storybooks-southafrica

Khayanga le nkgo ya gagwe

Written by: Ursula Nafula

Illustrated by: Catherine Groenewald

Translated by: Motlhago Sara Mohale

This story originates from the African Storybook (africanstorybook.org) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons
[Attribution 3.0 International License](https://creativecommons.org/licenses/by/3.0/).